



18. oktober 2019

UKA2019/58

Inuussutissanik immuup sukkuani akooqanngitsunik pisariaqartitsisunut qanoq akikinnerulersitsisinaanersugut pillugu misissuinissamik aallartitseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Misissuinermi naatsorsorneqassaaq innersuussutit ataasiakkaat aningaasatigut inuiaqatigiinnut kinguneqassanersut
(Aleqa Hammond, Nunatta Qitornai)

Inuiaqatigiit tassaavugut naggueqatigiit inuit amerlanerpaat immuup sukkuani sapingaartu-usugut, annerusumik atugaasoq inuiannut allanut sanilliulluta.

Ulluinnarni laktosemik taasakkatsinnik akulimmik nerisimatilluta nerisassatigut kaagitigut al-latigulluunniit peqqiilluutigisarpaput naarluutigisarlugulu. Uanga tamakkununga ilaavunga.

Allatuulli iluarusullunga piumangaangama flødelagassaasunut taamaasiortarpunga kisiannili laktosefrimik pisariaqarlunga naliginnaasumit laktoselinnit akisunerungaatsiartumik.

Inuiaat nerisaqarnikkut peqqissut aammalu peqqinnartunik atugassaartut tassaapput inuiaat pisariaqartitaanik peqqinnarisaanik pitsaasumik atugassaartitsisut. Maannakkut laktosefrit pisariaqartinneqartut allanut sanilliullugit akisunerujussuupput pingaartunit isertitaqqortunngitsunit pisarissallugit tunuarsimaarfigineqartartut massa iluarinerugaluarlugit.

Inuiattut ilisimangilara qassi procenti laktosemik sapingaartuunersut, kisiannili ilisimaaraara kisi-tsit annertusoq. Taassumaannaalluunniit takussutissaqartippaatigut laktosemik sapingaartorpas-summata taamaattunik pisinissamut oqilisaavigineqarlutik isigineqartumik politikkeqartoqarnis-saa.

Kaffisoriartoqusiilluta kaagiloraangatta laktoseqanngitsunik nerilluarneqartarput amerliartuin-narpullu apersortut laktosefriunersut, glutenfriunersut imaluunniit sukkoqarnersut.

Inuiaqatigiinni sapingallit amerliartorput tassuunakkullu nioqqutissatigut akitigut tunuliaqutaaneru-sariaqarpugut aamma sapingallit aamma sapingaqqanngitsutuulli akisunerusumik akiliinngikkaluar-lutik pisariaqartitaminnit pisinnaanissaannik.

Akitsuutinut qanoq annikilliliinikkut kingunissaanik misissuititsiniarneq tikilluaqqoqaarput, isu-maqaratta inuppassuit ullumikkut laktosemik sapingallit ulluinnarni pitsaasumik inuuniarnerini pitsannguutaalluarsinnaasunik pingaaruteqartumik kinguneqartussamut sulinerummat.

Nunatta Qitornai

Inatsisartuni



Siunnersuut taperserparput inassutigalugulu aningaasaqarnermut ataasimiititaliamit suliarineqas-sasoq.